

## E DIÉLA É ULOKUT

## NE MBRËMESORË

*Thirrtoré.*

Thuhén 7 Vargezimé te Tingellit III, dhé ketò te dyja, nga te cilat é para persedytét :

*T. I.* — O Krisht meshireplot, qe gatové njerine mé pellëmben tëndé te pacinuar, ardhé te sherosh te semuret. Ulokun ne Liqén te Dhênvé é ngrité mé fialen tëndé, sherové dhembjén é Gjakrjëdhures, meshirové te bijen é Kananéanés qe ngitéj, dhé nuke méprizové lypjén é Qénturionit. Perandaj pra therrésim : O Zot i têrefuqishim, lavdì me ty.

Uloku, qe ishtë si i vdëkur i pavarrosur, kur te pâ, thirri : Kij meshire per mua, ô Zot, sé shtrati m' u-bê varr. Ç' fitim kam nga jéta? Liqéni i Dhênvé s' me hyn ne pune, sé s' kam njeri qe te me hédhe brenda, kur trubullohén ujerat; po vij té ty, burim' i sherimévé, qe te therrés dhé une mé te gjithe : O Zot i têrefuqishim, lavdì me ty.

*Lavdì.* — *T. T. I.* — U-ngjit Jësuj ne Jérusalém té Liqéni i Dhênvé, qe thuhéj Hébraisht Béthésdà, qe kish pése kamaré; sé ner tô ishtë shtrire shumica é te semurevé. Sé nje Engjell i Pérendise vinté me nje kohe dhé é trubullonté, dhé u falté sherim atyrévé qe hynin mé bése. Dhé pâ Zoti nje njeri qe kish atjé shume kohe, dhé i thote : A dô te bêhësh i shendoshe? I semuri u-pergjéq : Zot, s' kam njeri qe te me shtjére ne liqén, kur trubullohét uja. Shpëndova tère plëngun t' im ner

miéke, dhé nuk u-vlêresova te gjéj shpetim. Po miéku i shpirtévé dhé i trupévé i thote : Ngrér shtratin tënt dhé barit, dyké leçitur fuqine t' imé, dhé perdellimin é math ner anet é dhéut.

*Tanì.* — *T. III. Hyjlindesoré.* — Si te mos admirojme lindjén tëndé...

*Pasvargjë.*

Thuhét mé pare Pasvargu i pare i Tingellit III dhé pastaj « *Pashke hiëroré* » mé Vargjët.

*Lavdì.* — *T. T. IV.* — Ne Porke te Salomonit, atjé ishtë shtrire shumic' é te semurevé; dhé, kur méseronté é Krémtja, gjéti Jësuj te shtrire nje ulok tridhjét' é tète viétsh. I thote mé zë zoteror : A dô te bêhësh i shendoshe? I semuri u-pergjéq : Zot, s' kam njeri qe te me hédhe ne liqén, kur trubullohét uja. Dhé ay i thote : Ngrér shtratin tënt; shih, u-béré i shendoshe, mos mekatò më. Mé nermjétimét é Hyjlindesés, ô Zot, dergô-na perdellimin é math.

*Tanì.* — Dit' é Ngjalljés...

Perleshoré dhé Hyjlindesoré é Tingellit III.

## NE MENGJËS

Ndenjesoré, Degjim, dhé Shkallésa te Tingellit III.

*Shkurtoré.* — *T. III.*

Shpirtin t' im, ô Zot, te ulokesuar ne çfaredô mekaté édhé vépra te paudha, ngréré mé urdherin tënt te pérendishme, siç ngrité qe-moti Ulokun, qe te therrés i shpetuar : O Krisht meshireplot, lavdì potéres s' até.

*Shpia.*

O Jësu Pérendi, qe permban mé grushtin é dores s' até anet é dhéut, i bashkepaniseshim mé Atin, dhé qe zoteron mi te gjitha mé Shpirtin Shénjt, u-duké

truperisht, dhé sherové semundjë, dbové pesimé, ndriçové te vérber, dhé Ulokun ti é ngrité mé fiale te pérendishmé, dhé i urdherové te barése mé nje héré, é te ngrére mi supét shtratin qe é mbajti; perandaj pra te gjithë perhymnojme mé të dhé therrésim : O Krisht meshireplot, lavdi potéres s' até.

#### Synaksar.

*Gjithë sot, te Kalerten te Diéle pas Pashkes, perkujojme çudin' é Ulokut.*

*Fiala é Krishit eshte shendét per te semurin.*

*Keshu pra sheroj Ulokun fial' é tija vétem.*

*Mé perdellimin tënt te paaneshme, ó Krisht Pérendi, meshiró-na. Amen.*

ZBRITESORÉ te Pashkes. UNGJILL Mengjézor V.

#### Dergimesoré. — T. II.

Mé pare é Pashkes, pastaj kjò :

Qendroj njëridashesi dhé Zoti i meshireshme, prane Liqénit te Dhênvé, per te sheruar semundjët; édhé gjéti nje njëri, te shtrire per shume vjët, dhé atí i thirri : Ngrér shtratin tënt dhé barit ner udhet é dréjta.

#### Lavderimé.

Kater Vargezimé te Tingellit III, dhé pastaj « Pashke hiéroré » mé Vargjët.

*Lavdi.* — T. T. IV. — O Zot, Ulokun nuk é sheroj Liqéni, po fiala joté é perseriti; as mundi te kundreshtohét semundja é tij é shumekoheshmé; sé véperimi i zê-rit tënt u-rrefyë më i mpréhte; dhé hodhi téj barren é rënde dhé u-ngarkua mé shtratin é tij, per deshmi te shumices se meshiravé te tua. Lavdi me ty.

*Tani.* — Dit' é Ngjalljés...

#### NE MËSHE

Hyrtoré é Pashkes, Perleshoré é Tingellit III, é Shénjtít te Kishes, dhé Shkurtoré é Pashkes.

#### APOSTULL

*Kendojini Pérendise s' one, kendojini.*

*Te gjithë kombét, trokisni duarte.*

*Kendimi préj Aktévé t' Apostujvé.*

M'atò dite, ték po shkonté Piétri neper gjith' atò visé, zbriti dhé té Shenjtoret qe banonin Lydden. Dhé atjé gjéti nje njëri, te quajtur Enéa, i cili ishtë ulok qe dérgjéj ne shtrat qe préj téte vjëtsh. Edhé Piétri i tha : « Enéa, Jésu Krishti te sheron; ngréhu dhé shtrò shtratin tënt ». Edhé ay pernjuhérësh u-ngrit. Dhé é pane gjith' atà qe banonin ne Lydde dhé ne Saron dhé u-kthyén me Zotin. Dhé ne Joppe qé nje dishépulléshe, é quajtur Tabitha, qe é kthyér dométhéne Kaprolle; kjò ish plot mé vépra te mira dhé almosha qe bënté. Dhé goditi m' atò dite te semurét é te vdése; dhé, si é lajtin, é vune ne dhome. Dhé, mé qe Lydda ishtë prane Joppes, dishépujte, dyké degjuar qe Piétri ish atjé, i derguan dy njëres, dhé iu-lutne te mos pertoje te shkoje gjér ték atà. Dhé u-ngrit Piétri dhé vajti mé tà; dhé kur arriu, é shpune ne dhome; dhé iu-afruan gjithë te véjat, dyké qare dhé dyké i tréguar robat dhé kemishet, qe u bënté Kaprolla sa ishtë mé tò. Dhé Piétri, si i nxori te gjithë jashte, ra me gjunje dhé u-fal; dhé u-kthyé té kufoma dhé tha : « Tabitha, ngréhu ». Dhé ajò çéli syt' é saj dhé, kur é pâ Piétrin, u-ngrit é ndenji. Dhé i dha doren dhé é ngriti; dhé thirri Shenjtoret dhé te véjat dhé u'a trégoj te gjalle. Dhé kjo u-bé é njohur ne tère Joppen, dhé shume bésuan me Zotin.

UNGJILL. — PAS JOANIT.

M'atê kohe, u-ngjit Jésuj ne Jérusalém. Dhé eshte ne Jérusalém prane Trégut te Dhênvé nje liqén, i quajtur Hébraisht Béthésda, qe ka pése kamaré. Ner ketò ishtë shtrire nje shumic' é madhé préj te semuresh, te

vérbersh, te çalesh, te fishkursh, qe prisnin levizjén é ujit. Sé nje Engjell zbristé me nje kohe ne liqén dhé trubullonté ujen; dhé ay qe hynté i pari pas trubullimit te ujit bêhéj i shendoshe préj çfaredô semundjéjé qe te kishtë. Dhé ish atjé nje njéri, qe ish i semure per tridhiét' é téte vjét. Kur é pâ Jésuj ketê te shtrire dhé kuptoj qe po kish shume kohe keshtu, i thote : « A dô te bêhësh i shendoshe? » Dhé i semuri iu-pergjéq : « Zot, s' kam njeri qe te me hédhe ne liqén, kur te trubullohét, uja; dhé atjé ku vij une, nje tiater zbrét perpara méjé. » I thote Jésuj : « Ngréhu, ngrér shtratin tént dhé barit ». Dhé pernjuhérësh njériu u-bê i shendoshe dhé ngriti shtratin é tij dhé po baristé. Dhé ish é Shtune até dite. Judéjte pra i thoshin te sheruarit : « Esht é Shtune; nuke te permétohét te ngrésh shtratin ». U-pergjéq atyrévé : « Ay qe me bëri te shendoshe, ay me tha : « Ngrér shtratin tént dhé barit ». E pyétne pra : « Cili esht ay njéri qe te tha : Ngrér shtratin tént dhé barit? » Po i sheruari nuke dinté cili eshte; sé Jésuj kish dale jashte, dyké qëne shumice n' até vent. Pasandaj é gjén Jésuj ne shenteroré dhé i thote : « Shih, u-bêré i shendoshe; mos mekatô mê, qe te mos te ngjase nonje mê é kéqé ». Dhé njériu shkoj dhé u lajmeroj Judéjvé qe Jésuj esht ay qe é bëri te shendoshe.

Ne « Vécçan Tereshénjten » thuhét :

*Vark.* — *Engjelli i therristé...*

Mé nje zê, ô Virgjeréshe, né básniket te lumerojme. Gezohu, ô dér' é Zotit; gezohu, ô qytét i shpirteshme; gezohu ti, mé anen é se ciles na lindi sot drita é Ngjalljés préj se vdékuresh t'atì qe lindi préj téje.

Kungatoré é Pashkes.